

**Christoph II. von Liechtenstein bestellt für seine und seines Bruders
Georg IV. Kinder Vormünder (Gerhaben).
Wien, 2. December 1444. *)**

Ich **Christoff von Liechtenstein von Nicolspurgh.** Bekenn für mich vnd all
mein erben vnd tun kund offenleich mit dem brief Allen den er furkumbt. Daz ich mit
gutem willen, vnd wolbedachtem müt mit gesundem leib zu der zeit da ich das wol getün
mocht. Recht vnd redleich geordent vnd geschafft hab, Orden vnd schaff auch wissentleich in
kraft des gegenwurtigen briefs den edeln herren hern Jorgen von Püchaim obristen
Drugscegen in Osterreich vnd hern Jann von Pernstein meinen sundern lieben
freunten, Mein vnd hern **Jorgens von Liechtenstein** meins bruder seligen kinder, die
noch nicht vogtpër sein. Also mit ausgenommen worten Wenn Ich mit tod abgee vnd nicht
mer in leben pin vnd der vorgeantent kinter das Sün sein, dennoch kains vogtpër wër,
So sullen dann die obgenantent mein lieb freunt her Jorg von Püchaim vnd her Jan
von Pernstein, die vorgeantent mein vnd meins bruder seligen kinder alle Sün vnd
Töchtter mit Frem leib vnd güt jnnhaben ziehen vnd verwesen vncz daz der eltist Sun vnder
In zu seinn vogtpern Jann kumbt, So sullenent Sy dann demselben, der andern ungenogten
kinter mit Frem leib vnd güt abtreten, vnd jnantwurten an all widerred vnd aufzug
getrewleich vnd ungenuerleich Beschech aber das mein vnd meins bruders seligen kinder das
Sün sein all mit tod abgingen, da got vor sey vnd daz nur die Töchtter vnuerheiratt in
leben beliben, So sullenent denn die obgenantent mein lieb freunt, der von Püchaim vnd
der von Pernstein, dieselben töchtter mit Frem leib vnd gut jnnhaben ziehen vnd verwesen,
vnd auch erberleichen verheiratten als vnserm namen zugepurt vnd als ich In des vor
menitleich vertrauw Auch schaff ich daz all mein Burggrauen vnd phleger das geschafft also
halten vnd dem nachgeen, vnd mit meinen gesloffern den obgenantent meinen freunten gehorsam
sein, vnd In der abtreten, vnd welcher des nicht tèt, der wurd an mir vnd mein erben erlos
vnd trewlos. Auch hab ich mir ganzent vnd volligen gwalt vorbehalten, das gegenwürtig
mein geschafft zuuerkern ze mynnern vnd zemern oder genczleich zuuernichten, Wie wann vnd
wieofft mich des verlustt daz mich daran das geschafft, noch der brief nicht irren noch hindern
sol noch mag in kain weis ungenuerleich. Mit vrkund des briefs besigt mit meinem Anhan-
gundem Infigl. Der sach sind gezeugen durch meiner vleiffigen pet willen, die edeln
Larencz Harasser vnd Jorg Muldorf mein diener mit Jren Anhangunden
Infigln In vnd Jren erben an schaden. Geben ze Wienn an Mittichen nach sand Andres
tag Nach kristi gepurd vierczehenhundert Jar darnach in dem viervndvierczigstem Jare.

L. S.

S. Christoff von Liechtenstein.

L. S.

S. Larencz Harasser.

L. S.

S. Jorgi von Muldorf.

*) Original im Liecht. Arch.